

宋詩紀事補遺

宋詩紀事補遺卷之八

歸安陸心源伯剛父輯

趙誠

字希平

一作希中

晉江人天聖五年進士歷官撫州

通判改知歸州州有淫祠曰巴王歲夕殺人以祭誠毀祠投像于江入爲三司戶部判官治平中以太常少卿知明州卒于官見福建通志

和孔司封題蓬萊閣

龍卧山形滴翠微
翬飛閣勢構空危
六鼇不是湖中蟄
一島疑從海上移
屏障賤毫吟詠處
神仙羅綺燕

遊時自慙爲吏非香案又躡雲梯從使麾

遊雲門寺

竟夕雨聲寒黎明日氣宣峰巒添積潤谿澗漲新痕
鐘鼓連三寺杉松共一邨不須遊賞遍麗句滿清軒

遊天衣寺

世稱幽景屬金仙若是精藍豈妄傳澗湧雙泉雷出
地山圍四面管窺天唐僧手澤神毫健梁帝宸恩寶
器妍今日喜償平昔志更逢閑客此安禪

遊戒珠寺

欲遊城郭應難遍每訪湖山亦自勞坐致眼前無限

景僧坊寄處巖峰高

以上會稽
掇英集

阮逸 厲有

和范公同章推官登承天寺竹閣

竹石寒相倚雲窻曉共開
閑身方外去幽意靜中來
墜響風隨籜移陰日上苔
遲留秋更夜待月露盈杯

嚴陵集

周燮

湖南永明人天聖五年進士尙書職方員外郎

嘉祐中知連州

大雲洞

并序

大雲山隄州之勝景也。疇昔伯氏爲郡曹掾，
余時隨侍朝遊，夕賞未嘗倦怠。去此將三十
年來，爲郡守始至，命駕晨往，目覩舊物，心休
休焉。然居是山者久，非其人，寺宇半落，物多
逕形。喬松修竹，爲藤蘿延蔓；幽巖怪石，爲糞
壤埋沒。復爲橋橫塞雲洞，殆非昔時景趣也。
遽命撤橋，以敞洞門於巖之西，爲亭曰清熙。
爲燕遊之所。芟夷草莽，松篁秀拔，除去糞壤。
巖石峭立，不逾浹辰，清景頓復。因是黜庸舉
能，精進者遴集，崇師當是舉也。輿議許之。

知大雲山從此復興矣因吟詩一章勒于巖

石辭曰

西出州城五里餘大雲仙洞最清虛近來選得禪師

住是處精藍盡不如

廣東通志金石畧

王陶鳳有

游碧落洞

尋幽聚落外此境真洞天乳竇穿碧澗葆樹蒙寒煙
迹與氛壙絕身亡利名纏日暮嬾回首遲拍洪崖肩

韶州府志

佛光寺

五臺山上白雲浮雲散臺高境自幽歷代珠幡懸法
界累朝金刹列峰頭風雷激烈龍池夜草木淒涼雁
塞秋世路忙忙名利客塵機到此盡應休

山西通志

明智寺

邃壑重巒十里過天圍佛境隱巖阿償來功業忘情
久暫到山林結意多

臨安志
八十四

章岷

字伯鎮福建浦城人天聖五年進士歷官集賢
校理江州通判嘗爲平江軍推官文聲甚著治
平二年以光祿卿直祕閣知紹興四年移知福

州三山志姑蘇
志福建通志

留題新建五雲亭

亭占
卧龍

卧龍東嶺冠雲霞亭面谿流對若耶秋霽獨先初夜
月春陰見盡滿城花疎簾遠檻樓寒雀喬木依簷泊
暮鴉紅燭未殘賓已醉倚風歌管到人家

春日獨登蓬萊閣

郡閣高檐半納雲危欄徙倚惜芳辰澄潮疊嶂新經
雨啼鳥開花各爲春案有牋毫難賦景席無歌管懶
邀賓自憐莫厭登臨數卽是葵丘代戍人

以上會稽
報英集

釣臺

乘興訪遺基。扁舟宿烟渚。水淨寫天形。山空答人語。
風篁自成韻。霜葉紛如雨。寒亭莫響清飢猿。夜啼苦。
疑將洞府接。似與人寰阻。不羨重城中。喧喧聽笳鼓。
陪范公登承天寺竹閣

古寺依山起。幽軒對竹開。翠陰當晝合。涼氣逼人來。
夜影疏排月。秋鞭瘦出苔。雙旌容託乘。此地舉茶杯。
以上嚴陵集

送梵才大師歸天台

故山蘿蔓鎖雲扉。幾夕扁舟已夢歸。蓮社招賢移歲
月。芝巖編句滿珠璣。金刀擁雪新凋鬢。香裊欺蘭舊

賜衣後夜吳門對霜月懷師餘意在琴徽

天台續集

張肅

浙江武義人天聖五年進士累官祠部郎中

送僧歸護國寺

去謁吾君遇太平太平明主重南能不關名利真開
士却返林泉伴野僧御賜白金爲長物身歸青嶂策
枯藤只應待到天台日齋炷檀烟定有燈

天台續集

林玘

一作杞

字卿材南安人天聖五年進士慶曆三年以祕
書丞知仙遊縣歷知康雅淄泰四州以光祿卿

乞致仕卒年九十

蓮花峯

天開八面蓮花峯神龜引子巢其中千年皮骨老化

石玉色不與凡工同

泉州府志

孫抗

屬有

朝陽洞

絕險信天開春蘿蔭古苔不愁雲影閉先得日光來
片石充碁局涼波遞酒杯東風偏著意草木爛成堆

夕陽洞

塵寰雖未遠顯氣覺偏滋日落鳥歸處秋高風勁時

吟餘下天籟坐久凜冰肌信是棲幽境涼蟾照履綦

北牖洞

舊駐東方騎因題北牖名來須風作御去認斗爲城
日氣晚方到雲收寒易生子心匪游衍拱北振華纓
嘉蓮洞

地應連海眼終古蓄寒泉四列青蒼壁雙開菡萏蓮
已嗟眞賞去猶訝昔香傳未媿東林下霜葩社衆賢
白雀洞

禽貴羽毛潔地憐巖壑幽名非華陰陳景似秀林秋
不復音塵繼空驚歲月適何如潁川鳳千古冠緹油

廣西通志
山川

峴山

天下名山數南國峴首首推襄漢域前年假節使湖
外道出銅鞮一攀陟檀溪西下煙雨繁夢澤南迴雲
霧織絕壁頽巖畫障開陽林雜蔭天光逼飄然不減
京臺樂城闕絃歌野耕植借問人心誰見思雲來遠
庇羊公德乃知仁愛與山俱奚用沈碑銜金刻追詢
耆舊訪祠宇遲拜丹青紀聰直佛藍神館鬱相望獨
此寂寥遺粉飾樂公燕國感藩佐朱邑桐鄉嗇夫職
居民立社中詔嘉撫舊勸來區淑慝指期還臺首章

奏立使闕宮榮血食半途得郡旋治中迴睇鳳林空
太息仙郎作鎮未暮月起廢補亡罄心力凡予所欲
塵難聽文符一一條其極庚桑畏壘旣禪薦魯國靈
光亦顛踣由晉至今更幾秋隼畫千旗熊伏軾但矜
□□□形勝誰祀賢人思物色公當□□乃□□只
□徊翔預□□漢波平遠山巍然□仰羊王譽充□
湖北通志金石

吳育

屬有

煙雨樓

一上危樓七澤分勝遊平日此怡神荆臺蕪沒千年

地楚望雲披四面春

輿地紀勝

送梵才大師歸天台

幾年餅鉢帝城栖看盡塵勞息盡機詩妙偶因餘力
到名高却與本心違雲深路入千山去歲晚身攜一
錫歸林下應逢舊猿鶴得無驚見紫檀衣

天台續集

甯參

天聖六年白水縣尉權知白水縣事

白水縣齋十詠

錄七

思齊樓

宰署之門也上聳四楹將闢圯毀回

之輪奐亟成小樓俄而廢城之南旁

獲翠苑

苔封雨駁宛具妙辭乃大極中張子

奇蒞於是邑德政之績也改置其下故以日

之

高開營層構聳飛勢自伸已聞能賦客空憶荷星人
彫檻凭秋迥朱扉敞漢新龜趺清刻在誰共繼芳塵

永益池

縣閭之西俯臨紺宇古於淶之所也
二亭中圯傳名吏隱乃元和中白行

簡刻石在焉遺珉湮泐寂而靡興况絕壑往
來艱於汲引民患于今亦爲政之闕也余因
開頽岸是命其題天
澤旣滿一邑斯濟

唐賢遺勝地天澤引初深未起朝宗勢先資濟眾心
淨惟涵寶刹微或鄙蹄涔爽氣何偏早羣蛙一夜沉

惟勤閣

尉縣東隅廣表倍
尋聽政之所也

自責思前古徒名是永懷

黃霸爲潁川守百姓有過
閉閣自責然大小不侔參

隨茲銅章亟追其倫
邑民好訟得無思之
善聲慙偃室幽興類
蕭齋未報
投虛及空防肆毒材
恪居知有地僂俛競
相諧

藏書閣

尉居南屋中聲起二
依中署羣籍也

洞闢前軒峻危梯趣
若何綠苔生未遍縹
帙聚還多
曉幌吞清旭秋欄拂
靜柯猶憐松筆在公
外獨煩過

習射亭

宰署東西隅尉同
校閱之地也

危亭當旅進飛鏑共
星鳴才奏蘋蘩節空
聞霹靂聲
澤宮期竝勝相圖憶
偕行敏手無虛發由
來已鵠平

波紋石

尉口口之中

何必觀春渚他山質
自奇危層分蕩漾峭
碧認逶迤

禁陛宜相接星機好共支高空如有聞一補未爲遲

石席

置之於
惟勤閣

結粹從天像周方出翠巒甯知磨琢易須信卷舒難
角枕清同置藜床雅並觀公餘聊偃息空覺病膚寒

金石
續編

杜堯臣

天聖六年知鄆州軍州事

留題靈岩寺

四絕精藍冠古今千山影裏寺難尋年來蹤跡如萍

梗不得登臨恨更深

山左金
石志

富弼 廨有

書堯夫首尾吟卷後

黎民於變是堯時
便字堯夫德可知
更覽新詩名鑒
壤風花雪口一兼之

十月廿四日初見雪登白雲臺閒望亂道走
書呈堯夫先生

氣候隨時應初寒雪已盈乾坤一色白山水萬重清
是處人烟合無窮鳥雀驚欣然不成下連把玉壘傾

洛陽
縣志

寄裴士林

潮解宣和旅翮飛不堪朱邸負前期東城曉騎思行
樂南浦春波怨別離對竹豈能忘舊主折麻方喜遇
深知冕旒正注方臣重應許州人借一基

絳州志

嵩巫亭

平地烟霄此半分繡楣丹檻照清汾風簾暮抱秋空
碧剩見西山數嶺雲

山西通志

寄題醉翁亭

偏州地狹民事簡醉翁自放山水中琅琊倚天色蒼

翠遜泉落石聲玲瓏

輿地紀勝

柳拱辰

字昭昭武陵人天聖八年進士通判岳州有惠政至和三年尚書職方員外郎知永州

暮春游火星巖同尹瞻聯句

十里熙醺政靈岩喜訪尋

瞻

登臨雲擁座

拱辰

穿徑筍

成林

瞻

樂逐天風遠

拱辰

塵隨宿霧沈

瞻

綺羅紅作隊

冠蓋綠交陰

瞻

下顧關河小寒知洞壑深

拱辰

松枯存

舊節花老見初心

拱辰

旌榮嵐光潤樽罍野氣侵

瞻

朋

游敦雅契吏隱共知音

拱辰

愧翁蹄拙難攀子厚吟

城樓傳晚角綺陌騎駸駸

零陵縣志金石

柳惠辰

屬有

石角山

□□□山幾重與君吟望意無窮當時共指白雲
外今日獨行青嶂中案牘暫休聊自適籃輿乘隙若
爲同九疑秋約心先到巖月爛斑桂子紅

零陵縣志金石

李之才

厲有

奉答勸師山中見寄

羨子幽棲地空山十月天清簷朝飮後寒壁夜深禪
霜樹留殘果冰崖斷舊泉劉雷好爲社邑客有誰賢

澤州府志

周銓

安仁人天聖八年進士官通判

答曾進士

死易程嬰豈不知十年後死不爲非文辭未必改秦
館敲朴徒能抱御衣無志何須悲廟黍得口口不食
山薇儒冠有愧一廛養何忍葵心對落暉

安仁縣志

劉煥

字凝之江南高安人天聖八年進士年五十二
爲潁上令以事忤上官以太子中允致仕隱廬
山之陽歐陽公爲賦廬山高自號西澗居士

初及第歸題淨慈寺壁二絕

彤扉新授紫皇宣品作蓬壺二等僊今日訪師無限
意應憐憔悴勝當年

梵剎仙都顯煥存心心惟紹法王孫俗流不信空空
理將謂長生別有門

三劉
家集

劉昇

字成季閩縣人天聖八年進士以文學知名累
官將仕郎大理評事終屯田員外郎見蔡忠惠
集劉若虛墓誌及八閩通志至和三年秘書丞
監濟眾監權武興郡事見石刻

遊靈巖

藥水標題不記年奇花深洞舊通僊山迴巨蔭常遮
日境絕纖埃別是天碧照東西江浩渺綠迷高下竹
嬋娟凭欄周覽翛然靜金像香殘一炷煙

漢南府志

劉沆

沆字冲之永新人天聖八年進士第二至和中
拜同中書門下平章事集賢殿大學士出知應
天府徙陳州卒贈左僕射兼侍中宋史有傳

送蜀人尹鑑登第歸

少年相款老相逢鄉舉雖同遇不同我已位塵三事
後君方身到五科中榮登莫計名高下宦達須由善

始終若到鄉關人見問爲言歸思滿
秋風

江西詩徵

聰明泉

義山山下有靈泉泉號聰明自古傳
四百年中三出相不才何幸繼前賢

輿地紀勝三十一

王珏

台州臨海人天聖八年進士以丞廳小吏發憤讀書與兄琥同登科人名其里曰黃甲巷累官朝奉郎博士終屯田郎中

見赤城志

題希夷堂贈周道正

仙骨清冷道氣濃餌芝深隱括蒼東
醉遊鼇頂三山

綠吟對神爐九轉紅千古遺音生指下一天星斗在
壺中蕭然不許塵埃到願我頻來興未窮

天台續集

章峴 厲有

雉山

營邱水墨師不識桂林山半世閱渠畫今始陋堅頑
嶺邊千奇峯濃紺梳雲鬟肩輿兀醉夢所窺纔一斑
偶投雉巖宿洞穴窮孱顏旁通赤明天南極地所寰
更登雲外頂下視江灣灣羣仙無我笑畏汝碧玉環
我久墮塵網歲晚嗟良難往來等幻化南北俱鄉關
卻憐雪花見三生此山閒願力不汝無永悟無所還

廣西通志
山川

治平丙午仲冬中泚遊釋迦寺登環翠閣

吏局區區得暇難倚崖高閣暫登攀羣峯半出重林
外小艇橫浮一水間霜葉信風隨鳥逝晚雲沉石伴
僧閒夕陽欲下獨迴戀更鼓清琴數弄還

留題龍隱巖

蒼崖石室俯清漣蟠蟄龍虬不記年委蛻去爲天下
雨抱珠歸作洞中眠照開霧脚澄溪月滴破雲根暗
穴泉負郭勝遊雖信美桑間留愛我無緣

廣西通志金石

自龍隱巖泛舟至雉山

清溪幾曲轉澄灣朝口龍巖晚雉山林叟野僧休笑
我平生所樂是官閒

同上

王拱辰

厲有

送會稽何從事

行行岐路出塵閒從事猶勝執戟閒景象徧經江左
地封疆全得浙中山侯藩暨列談賓位綸閣看隨墨
客班到郡莫爲經歲計詔書非久急徵還

會稽掇英集

孫復

厲有

論學

冥觀天地何云爲茫茫萬物爭蕃滋羽毛鱗介各異

趣披攘攫搏紛相隨人亦其間一物耳餓食渴飲無
休時苟非道義充其腹何異鳥獸安鬚眉人生在學
勤始至不勤求至無由期孟軻苟況楊雄氏當時未
必皆生知因其鑽仰久不已遂入聖域爭先馳既學
便當窮遠大勿事聲病淫哇辭斯文下衰吁已久勉
思駕說扶顛危擊暗殿聾明大道身與姪孔爲藩籬
是非豐頓若不學慎無空使精神疲

山西
通志

劍池

寶劍埋豐城棄捐滅年禩初如雙龍蟄默默重淵底
春雷忽以驚駢首思奮起光氣干斗牛終夜顏色紫

奇哉張茂先訪諸雷煥氏下取古獄中湛湛凝秋水
精芒射人目利可斷犀兕我聞劍爲用非惟翫好爾
仗以去奸邪提以振綱紀是時晉室中奸邪若排指
荀勗及馮紆巧舌相表裡荀顗亦其人聚首爲封豕
同附賈公閭盛指南風美遂使五不可忽罵如西子
晉室遽以危其亡可立俟因思荀勗徒未與犀兕比
盡可血雄芒尸之向朝市劍兮旣不用華也竟何以
宜乎不自免委身於螻蟻是爲神物差飄然失所指

豐城
縣志

元絳 屬有

愛亭

朱幡何事獨來頻，不爲溪山只爲民。
最愛年年千頃稻，時豐自有壤歌人。

鳳池山

州人未識鳳池山，朱轂時來此往還。
四座杯盤在天，上滿軒雲雨落人間。
千圍老木排旌蓋，百尺飛泉響佩環。
誰爲霜縞圖景象，翠微高處一衰顏。

三山志

泗洲嶺

萬里一朱幡，崎嶇度嶺關。
路盤雲雨際，人在斗牛間。

建甯

閩山過盡見吳山三載天涯五馬還舊列未歸青瑣闥
餘生方入玉門關林巒迤邐平無數星斗欄干近
可攀回首治城何處所只應煙雨渺茫閒

輿地紀勝

送梵才大師歸天台

責重憂多兩鬢班十年長夢赤城山何時得似浮名

子漱石眠雲恣意閑

天台續集

和陪蓬萊閣賞雪賦詩

晚晚年垂盡陰沈氣始凝雲霄方一色霰雪忽相仍
何處茲辰好吾州自古稱稽山呈刻畫鑑水弄鮮澄
佛土橫銀界天文露玉繩綆珠壓簾翠巒壁累臺層

崑露朝垂木，郇鹽夕滿塍。濃梅明庾嶺，亂蝶鬧青陵。
舞緩來還轉，驚多下忽騰。藏崖未見覩，著蠶卽垂冰。
密處情何極，狂時力不勝。奪鮮迷野鶴，汙白絕藩蠅。
孫幌方開卷，焦廬正曲肱。悲鳴跼老驥，怒擊下毫鷹。
顧我雖遲暮，當歡亦疆能。醉懷思日富，病眼喜晨興。
賀帳催休吏，賓筵幸得朋。周詩誦昌滿，鄴酌對劉應。
賞爲良辰樂，高宜善賦登。鸛裘欣未至，司馬相如青
衣鸛裘
簡使先蒸富。歲還相慶陽，春各自矜醺。顏均玉氣泚，
墨出珪稜句。待呼胡續舟，期訪戴乘長。謠辱君贈珍，
感服吾膺。

因覽狀元節推和詩再和一首

綈簫驚年杪鈴齋戒夙興連空集
燹霰撤席命賓朋
菌閣盤虛出篋輿選勝登山川
方掩藹縞素競飛騰
密著珠簾重低沈粉水澄迷藏
秦洞穴刻鏤禹溝塍
蓬島三番扑瑤峰四徹繩
羣玉山四徹中繩
風傳天外籟湖
寫鑑音檻中冰銀色三千界
琳臺十二層折梅思陸凱

詠絮對王凝

道韞凝之耦

妬舞輕飄燕臨書細字蠅光凌

射的鶴氣壓沃洲鷹
權月谿翁共歌蘭
楚客能瓊軻
走油壁練馬頓鉤
膺澤滲陽膏動和
薰氣燭蒸冬權
時已正尺瑞歲將
應韻鄙也同民樂
油然弗自勝平

時陪法從長憶奉昭陵拂旦開金殿鳴鞘下玉乘六
花朝服滿萬歲壽觴稱就望堯雲日賡歌舜股肱冰
醪霑飫賜竹唱聽哀矜爾後孤蹤遠頻年老病仍兩
朝還觀魏何日見觚稜以上會稽
掇英集

巡按睦州過烏龍山

羣山袞袞卷波濤舉手天門尺五高塵土多年昏病
眼猶能千里見秋毫嚴陵集

桐廬晚景

向晚西風急扁舟下瀨輕颿檣掛山影鼓吹壓潮聲
白鳥烟中沒斜陽雨外明油然五湖意渾欲薄功名

嚴陵集

挽贈太常少卿封川曹使君觀

使君烈考季父皆以讜言介節有名當世予昔
介江西刺舉使君方佐章幙嘗以有守薦於朝
賊之至州也使君轉戰數刻殺傷大當已而戰
合圍急攻軍吏潛遁力窮被擒使之拜不屈而
死

倉卒蠻輦上水濱使君忠憤獨亡身平明戈劍摧城
闔俄頃衣冠落路塵志士一門能許國老夫當日亦
知人朝廷贈襚哀榮極青骨千金合有神

肇慶府志

將去郡席上呈同僚

在官七百二十日只爲台州不爲身民事勤勞心力
盡世塗憂畏鬢華新離筵欲醉尊前月美酒難留洞
口春他日相逢應更好諸君皆是眼中人

天台別編

題延慶院

亭占青山口郊原四望平遙林連崦黑白水隔田明
翠麥波濤動飛泉劍珮輕長年便野趣擬欲解塵纓

天台續集

陳庸

四川青神人天聖八年進士嘉祐六年登仕郎

守河中府虞鄉縣令

涼軒

宰宇居豐暇搆軒涼愈清塵襟當此釋暑氣未嘗生
植竹助真性弄琴宜正聲披風茲可會觴詠豁交情

山西
通志

齊唐厲有

石傘峯書堂

傘峰一片崎危石枕在青冥絕壁間人作鹽梅資世
濟蹟留巖岫與雲閑露盤高出長年殿羽蓋斜臨苑
委山貌矣諸孫媿前躅但開三徑掩柴關

送張尊師監龍瑞宮

陽明洞天三月春桃花豔豔迎笑人仙官瑤裾翠羽
裙直上非烟驂紫麟手把赤書秘玉文朝謁太素三
元君琳房窈窕出青雲眾眞嘯語林際聞山精木魅
知有主歛戢鬼火摧颺輪崇巖絕壑足清放抗跡萬
里無埃塵物不疵癘年穀熟綽約曾潛姑射神祈師
努力學此道下濟澤國窮鰥民

以上會稽
報英集

登狼山閣

海腹藏吳楚天樞轉斗牛夜分驚日浴潮落見鯨遊

烏江廟

天意降時雨山川潛出雲鋤秦將授漢此力半因君

南雄城樓

漢初開郡出南夷萬壑千巖足嶮巖天上斗牛應共
域人間江嶺自分岐尉佗椎髻遺風俗馬援飛鳶墮

水時

以上與地紀勝

和建州徐職方

劍水清源夢筆山戟衣照日啟重關

又

宋詩紀事補遺卷八

男侍讀銜內閣中書樹藩校

宋詩紀事補遺卷之九

歸安陸心源伯剛父輯

刁約 厲有

過漁浦作

一水相望越與杭
渡頭人物見微茫
翩翩商楫來谿口
隱隱耕犁入富陽
市肆凋疎隨浦盡
山峰重叠傍江長
民瞻熊軾咸相謂
太守經行此未嘗

過溪口廣慈院

賞徧林泉去未能
卻來溪口訪巖僧
爲觀遠景尤奇處
更陟危亭最上層
雲吐前峰疑霈雨
泉飛別澗旋

凝冰陋容憔悴煩躬筆待結錢唐九老朋

會稽掇英集

方氏清芬閣

自別高居二紀餘今朝重到懶踟躕山川勝景依然在屈指交親一半無

嚴陵山

一染浮名十五春強隨時態役天真何年卜築茲山下卻笑區區世路人

以上嚴陵集

送梵才大師歸天台

京洛風塵弊客裾故山歸去有精廬緞盂應供王城久鏤管輅吟友社餘衲擁蘭芽新賜服帙收貝葉舊

翻書蕭然壁觀芝巖上從此身名與世疎

天台續集

范師道

屬有

釣臺

乾坤交泰重彌綸當日嚴陵道最濱大漢中興得英
主先生高退作閑人灘頭風月遺千古臺上綸竿寄
一身今日病夫祠下過獨知疲懦長精神

嚴陵集

盧察

字隱之 人天聖九年以太子中舍知蒙州

明道元年爲殿中丞

留題浯溪

□後聲名人始貴眞卿筆札次山文二賢□使生同
世□□□悲不放君

再題浯溪

逆孽滔天亂大倫忠邪淆雜竟何分欲知二聖巍巍
力止在浯溪一首文

以上湖南通志金石畧

皇甫泌

天聖十年屯田員外郎知婺州治平四年工部
侍郎官至尙書右丞著有周易解十四卷

送梵才上人歸天台

昔在童蒙歲學禮暨詩書肅肅東庭訓罔敢甯斯須

積習將一紀心目多勤敏本此脩拙辭階之登仕途
得以施所學聞者謂之迂吾道固未行或嗤爲腐儒
誠如彼所云儒非吾敢居時英賤民政亦諄官之益
嘉言屢詒勗周旋畫偉謨胡不事章句清責無加于
我聞今學者爲人不自圖六朝文物壅化源由是枯
華文媿不能迷深甘守株古人不得見臨風重欷歔

又

美玉不自貴貴之者良工高才不自明明之者至公
和璞文未刻他山石正同子虛賦未行相如車不東
我今徵此詞亦將擬未通粵有空門子孕秀赤城中

性靜不欲俗詩癖俄在躬意涵自高古言雅思變風
勞勞不稱年名尙高遠聰我來山月鄉卽貌知困蒙
吾師道雖否天子方文崇一旦因得意誦之工六宮

天台
續集

曹觀

天聖十年永嘉主簿皇祐中知建昌軍又知虔
州李觀盱江集有送知軍曹比部知虔州詩

飛霞洞

巖前春草萋萋色巖上春風淡淡陰數百年來無謝

客□□依舊到如今

東甌金石志

石待舉

字寶臣天聖進士補沂州推官改知上饒臨安
轉祕書丞通判保州逆卒爲亂遇害

謝梵才惠茶

郡園名苑製猶新分惠眠雲跋石人色闌瑣瑤因地
勝香殊蘭茝得天眞開時好對稜稜月

李衛公謝茶詩有開時微

月上碾處應飛瑟瑟塵寄語高僧宜鄭重能詩方遣

雨前春

天台續集

唐詢

厲有

題曲水閣詩并序

吏部樂安公治會稽數月政清吏休庭無留
事一日出府署西里所厯金山祠顧神而憶
知非所宜爲民祀者促吏壞去因其字乃廣
乃闢署曰正俗亭蘇亭之南地曠且美嬰城
面湖東負於山顧瞻厥中若與意會聞而歎
曰昔晉賢游蘭亭修禊事實在茲土時移世
異絕而弗續今視得所嚮其疇與興乎亟命
監兵李君文都侔來以治並山鑿渠上引湖
水悍波合注如怒如奔縈流西行數步一折
眾石回阻激爲湍聲其響泠泠銷若鳴玉降

而北出乃滙於河卽渠之南夾植文棟引梁
橫度隱若虹起命之曰曲水閣緣山北向聚
流爲池至於正俗亭又從而西奠渠之北考
室其上曰流觴亭壓城之隅治第而其中可
以望曰茂林亭旣已事我公帥官屬集而落
之弦匏相和曲奏未闕舉酒環視四阿無蔽
灌木回映鳴禽互變層巖在右流水相續方
其樂甚愉愉自得緬然蓋游於世俗之外而
百慮不得奸焉噫川澤之尤土壤之美厝於
幽閒無營於世待人然後發嚮淫鬼宇之狂

巫諛祝譁囂雜擾相與挽乎其間累世而然
卒焉發而新之祛囂爲甯流汙爲清蕩我奧
渫卽於高明微公之來誰其經營按曲水制
始永和中和爲盛集歷數百祀往而幾熄今我
公修之州人抃且語曰永和事去吾遠誦舊
志其傳亡髣髴吾何與焉已而復於今固吾
所覩視永和烏所謂今之侔哉公樂聞其言
又嘉其盛作詩以美之監郡虞曹降及僚屬
從而賦者凡二十一篇編次如左屬吏唐詢
辱命以序辭不成飾然媿集景祐丁丑歲春

三月日序

依山營廢壤結宇跨通溝派引平湖遠聲分幾曲流
交陰覆脩竹照影下輕鷗此日羣賢集甯疎晉世游
遊五泄山

尋徹靈潭第五源旋攀蘿蔦至山巔寒聲昔謂來天
外巨壑今知在目前峭壁無時長蔽日重巖不雨亦
生烟臨觀已覺塵心盡更欲凌雲訪列仙

其二

遊遍西潭返步遲亂雲隨履雨沾衣山形相向還相
背獨有溪流共我歸

寄五峰諫長老

禪客居山患不深五峰幽絕杳難尋
門前流水朝還暮堂下閒雲古復今
月色有時依宴坐秋聲隨處伴謳吟
期師便作終焉計忍負平生物外心

題會稽谿口躬師上人房

谿口相傳地最靈其間風物與人清
鐘聲夜到江頭盡雲氣朝從檻外生
幾副輕綃供畫筆一林脩竹寄閒情
閉門終日無塵事卧看南口自晦明

以上會稽級英集

梅摯

屬有

十愛亭

我愛昭州水湘灘共一源來無泥滓污去有棹歌喧
沃野藤溪道浮琛玉海門有時新雨漲多半是君恩
我愛昭州士平居富塾庠興賢遵漢詔論秀美周鄉
菽苑蒲開牒書堂縹結囊蟾宮前後進一一手間香
我愛昭州觀栽基壓大溪一樓雲駐隱雙表鶴歸迷
金剎先朝語鸞驚舊史題皇恩新雨露祈福爲蒸黎
我愛昭州寺東西占景開門臨九峯列僧自五天來
講次花飄席齋餘鳥下臺萬民共行樂終讌首慵迴
我愛昭州路優遊不險崎九疑通舜野八桂遶秦祠
亭堠相望處漁樵有讓時政平無虎闕莫信義山詩

我愛昭州角烏烏古郡衙數聲縈桂水三弄度梅花
調古湘雲咽音淒嶺月斜今愁並古恨吹起落誰家
我愛昭州月閒宵入綺樓涼生荔浦樹冷慰桂江秋
朱戶千家啟浮雲萬里收誰誇魏公子飛上鄴門遊
我愛昭州樂供官不在多薰風齊樂聖淑氣且宣和
謁廟知神格鋪筵喜客過邊陲無一事對酒謾高歌
我愛昭州酒千家不禁燒醪醪一爵舉瘴霧四時消
紅葉和雲踏青帘傍水招化醇民自醉鼓腹日歌堯
我愛昭州果東西此擅珍荔支登宴美桂子薦盤辛
映樹珠含彩承牙玉溜津二年遊宦樂滿腹嶺南春

廣西通志
勝蹟

吳及

字幾道通州人天聖中進士官戶部員外郎宋
史有傳

登狼山

郡僻山更遠塵喧與世違水橫觀雁度天靜見龍歸
落葉霜凝樹思親淚濕衣西風怕回首不忍白雲飛
五山耆舊集

長橋

有客過津亭高歌願濯纓闌干聚烟碧波浪捲秋聲

疎飲瀟湘渴龍游河漢橫夕陽看不厭待看月華生

吳郡文粹續集

蕭固

字幹臣新喻人天聖間進士太常博士通判虔州皇祐初爲廣西轉運使知儂智高將叛上策於樞府不果用人服其識累官集賢殿修撰

峽山寺

風變尉佗國聲歡舜帝民

輿地紀勝

王昌符

天聖間知福建龍溪縣

題應天寺

何事詩家稱翦裁，
跨虛相繼有樓臺。
水涵春碧雨初霽，
山露曉青雲半開。
寶塔禮終僧室靜，
粉牆題罷使車回。
此時欲結香蓮社，
祇爲陶潛醉不來。

是日約會僧太博不

至會稽掇英集

張仲尹

天聖中朝請郎守尚書度支員外郎充集賢校
理知解州軍州兼管內勸農提點兩池事輕車
都尉賜緋魚袋借紫

玉兔淨居詩

晉之神山縣有淨居曰玉兔建樹之本記悉
備之天聖八年秋寺僧應公袖墨本事跡訪
余爲詩因覽源流實曰勝槩感激勤至何以
固辭乃成一章章二十句雖文涉陳淺事無
新異與今作者藻思弗侔蓋所以塞其來意
用旌好事云耳

何事回眞館標名作淨坊金園存廢趾玉兔効殊祥
躍漢勞置網環山瑩雪霜來疑崑岫出去訝月輪藏
隱顯經千載薰修蔭一方寶壇隳道祖華榜耀空王
輿域居全晉靈祠接慶唐煙霞生四面樓殿起中央

映月杉陰合，飄空磬韻長。伊余聞勝槩，甯惜寄篇章。

金石萃編

張望

與文潞公同時人

括蒼洞

地佔仙居勝，名參洞府高。夜壇留鶴馭，春水泛溪桃。
路轉迷南北，巖空冷骨毛。我來驚悞入，回首歎塵勞。

仙居縣志

張元

屬有

長橋

雲收霧霽水風高百丈虹橋氣勢雄疑是玉龍藏爪
距潛來江上看波濤

萬頃平湖水接天湖光水色盡相連
虹曉截雨歸未得橫在波心幾十年

記得當年過此橋月明江上暑風消而今重到經行

處空有湖光伴寂寥

吳都文粹續集

姜迪

天聖時人

黃花渡

回首瀟湘二十春江南投老未安身
如今再過黃花

渡遙想湘山似故人

萍鄉縣志

魯交

厲有

遊安樂山

萬仞青崖碧玉寒
岩蘿相引徹仙壇

百丈柑

碧玉纖纖百丈高
仙家曾用醞香醪
至今綠葉接成酒
不使劉伶更籍糟

贈安樂山江尊師

一條仙帔織青霓
松雪岩前伴鶴棲

以上與地紀勝

李垂

字舜工聊城人明道中知絳州宋史二百九十
九有傳

觀德堂

園池氣象明池沼春波平東匯有朝勢北源無滯聲
臨流好鼓瑟待月堪浮觥濯足思餘綠洗心思雲清
篆溝合遠派布竇垂高城我願化飛雨使君將勸耕
肇慶府志

楊埧

明道中屯田郎中知温州

青蓮山

撥開瑟瑟青蘿帳尋得磷磷白石梯更入雲霞最深處忘機數日遂幽棲

郎官巖

碧玉莫遮千嶂石黃金難買一谿雲歌鐘沸地徒誇盛爭似松風竟夕聞

碧澗亭

妙筆王維圖莫就多才康樂詠難窮樓臺一簇出雲杪激雪浪生寒澗風

以上會稽
掇英集

張揆 鴈有

題招提院靜照堂

牛斗光芒下江山形勝中招提萬法本靜照一堂空
花木含春意門庭語古風支郎丐詩什愧匪二南工

嘉禾志

宿靈巖寺

再見祇園樹流光二十年依然山水地況是雪霜天
閣影移寒日鐘聲出暝煙龕官苦奔走一宿亦前緣

靈岩集

卓祐之

閩縣人景祐元年進士官秀州判官自謂死當
爲神及卒里人卽所居闢山祀之端平間贈侯

爵

句

山色列屏分左右水聲鳴玉遶西東

輿地紀勝

龔鼎臣

字輔之鄆州須城人景祐元年進士歷官諫議大夫京西路安撫使知青州以正議大夫致仕米史有傳著有東原錄

送劉夔

家經武夷佳事與會稽隣

東原錄

吳可幾

安吉人景祐元年進士仕至太常少卿與弟知
幾好古博學時號二吳

和孔司封題蓬萊閣

皇唐舊相元才子曾作蕃宣式燕邀邠郭上當星紀
分軒輦全壓閭風高賓僚會集簪裾盛衛隊周環鼓
吹豪不出公庭得仙館豈同徐福絕雲濤

會稽掇英集

釣臺

君王取天下有人將甲兵君王得天下有人相昇平
我欲介其間區區安取成莫若歸養高高卧崑之肩
直使萬乘意慕仰非鴻冥身雖隱漁釣心豈忘朝廷

常慮天下定君王志驕盈羣臣習見聞力諫不爾聽
不有不臣者不足回其清商山四老人用是安西京
潛希絕世躅萬一助皇明年當建武日上下咸清寧
所懷意不陳終焉爲客星何如逸民傳乃有狂奴名
嚴陵集

朱景晦

字仲舒萍鄉人景祐元年進士仕至職方郎中
治平間會宰宜春萍鄉二邑爲政寬猛不同自
作詩榜之道路云云

句

東鄰老幼足和氣西邑生靈俱病顏

江西詩徵

何若谷

江西新淦人景祐元年進士官至禮部尙書與趙卞酬唱甚多見清獻集

頂山寺

百尺寒崖一徑分攀蘿步步陟青雲江山好景吟新句猿鶴歡聲識舊羣壁爲題詩塵不染池因供硯水猶薰旁人莫訝登科久二十年前此論文

江西詩徵

吳秘

福建甌甯人景祐元年進士累官司封員外郎

侍御史知濠州京東提刑改知舒州

謁孔林一首

高天之有文星辰豔窮碧厚地之有文草木秀野色
草木既無辭星辰亦難測詎侔人之文五經爲藝極
五經主者何豈非至聖力三才久虛位待我先師宅
秘亦窮經者自謂入閭闕天地無逃數世人猶自惑
代移文不移宜在弟子職薰香達誠悃滴酒漑胷臆
瞿然見威容長林聳墳側

闕里志

陳起 厲有非一人

字輔聖沅江人景祐改元甲戌進士官秭歸令

疏鑿新灘以便舟楫歐陽文忠公銘其功於石
終永州通判

迎月

尊酒貪迎月人生醉後佳夜來窗不掩吹落一瓶花

沉湘耆
舊傳

張謨

建安人景祐元年進士又成都人紹興中進士

與向綜不同時

送向綜通判桂州

桂嶺花光紛似雪荔江波色綠於苔

輿地
紀勝

程師孟 厲有

昇山祠堂

行處松蘿深似幄望中城郭細如棋
清泉可惜藏巖下不作先生洗藥池

卧龍山

聞說林泉便訪尋
平田一逕上孤岑
榕陰落處宜千客
荔子生時直萬金
盡放遲回官舍近
不妨閑坐石門深
四邊稻熟征租了
稍愜農家出郭心

靜遊亭

石磴高軒勝靜遊
度年紅葉少驚秋
使君會得山僧

意不放笙歌到上頭

三山志

與伯常會宿宿猿洞

雙塔和雲宿翠屏
夢魂千里到禪扃
還教畫手添新意
一簇林猿伴二星

福建通志古蹟

宿猿洞和張徽韻

更深應是枕雙欹
思得臯夔事業齊
終爲清時難退隱
出山甘被百禽啼

又會宿猿洞

永感無心戀搢紳
十年不起卧龍身
一朝黃紙除書下
八郡衣冠盡望塵

宿猿洞餞仲謨

洞口車輪欲去時江山風物動光輝
不須猿鶴相驚怨自是君王未放歸

書仲謨先人功德院

高門餘慶本光山不幸流離五代間
今日太平家可樂郎君富貴錦衣還

越二年正旦又會宿猿洞

夜半春歸曉始驚鬱然佳氣入山亭
千門喜慶逢元日一座光華見使星
難得同時傳壽斚合將新句勒詩屏
漁郎莫向遊人道洞口而今盡不扃

福建通志古蹟

共樂亭

千門日照珍珠市萬瓦煙生碧玉城山海是爲中國
藏梯航尤見外夷情

南雄州

今日平安出嶺時瘴氛猶覺潤征衣一條路入江南
去萬里人從海上歸

越山亭

江山千古仙人地城郭三春刺史天文士莫如今日
盛方袍更比別州偏

新鼓角樓

銅鉦猶是閩王點銀秤纔懸漢守更四面僧誇金作
界半年人看玉爲城

福州

重門畫戟公堂峻萬瓦青煙使宅雄草服勸耕菑葉
綠羅裙送酒荔枝紅

荔枝

水浮蓬島通賓館日出浮桑照戟門一等翠林無別
水四邊惟有荔枝園

句

天香世界荷花白御果園林荔子丹

句 道山亭

海上風流荔子國人間瀟灑菊花天

釣龍臺戲別

行吟漸出蕉花嶺歸夢應先荔子樓

登城樓

最好荔子初熟後人間都在赤城間

句

香焚簷蔔巖雲曉花發莎羅海日春

以上與地紀勝

丁寶臣 屬有

遊五泄書呈完夫節推

莫厭幽尋路險辛，細思容易是山神。
能收地巧藏深處，不惜天奇示俗人。
古有少陵吟未到，今無摩詰畫難真。
海邊見說天童好，祇待君詩判等倫。
四明惟天絕完夫言，當日當徧遊諸山。

留題崇法院

瀕湖三寺倚崢嶸，梵剎相高對縣城。
樓殿盡知隨處盛，山林獨愛此中清。
翦開木末簷牙出，鑿破巖腰磴道成。
悟得祖師心印法，禪僧遙指塔燈明。

題天姥院

十里松篁結晝陰，倚空山翠亂花鍼。
瓊臺瑤瑟中天

過碧洞蒼龍午夜吟石磴雨乾泉駐玉
栢棱雲斷月移金桃花流水年年事
誰免浮生白髮侵

以上會稽掇英集

和慧山泉

誰識澄淵萬古清
潢汪擾擾謾縱橫
出從山底應無極
流落人間自有聲
江漢想能同浩渺
塵沙雖混更分明
從來旱歲爲膏澤
安用茶經浪得名

毗陵志

林嗣復

字延叔長樂人景祐元年進士官太常博士

西峰院

參遍曹溪眾所欽
元堂虛寂砌蟲吟
定回瞑目誰相

顧好鳥啣花下翠林

福州府志

楊士彥

景祐元年官大理寺丞謝濤壻也見范文正集

句題狼山

汀氣南吞吳分野海波北撼楚封陲

輿地紀勝

張宗益

景祐二年將仕郎試祕書省校書郎見孔道輔
祭祖廟文石刻累官尙書工部郎中致仕

送程給事知越州

仙境際雲霓名藩獨會稽蓬萊住山小星宿落簷低

旌節臨諸郡樓臺瞰北齊地繁秦望嶺民阜若耶溪
化俗饒餘事吟詩厭舊題只愁嚴召速榮渡浙江西

會稽掇
英續集

宋詩紀事補遺卷九 男侍讀銜內閣中書樹藩校